

16 AUG 2000

NELSON MANDELA MENGUNJUNGI PERDANA MENTERI

PUTRAJAYA, 16 Ogos (Bernama) -- Bekas Presiden Afrika Selatan Nelson Mandela hari ini mengunjungi Perdana Menteri Datuk Seri Dr Mahathir Mohamad di Seri Perdana, di sini, hari ini.

Dr Mahathir dan Mandela mengadakan perbincangan tertutup selama setengah jam sebelum bersantap di majlis makan tengah hari di kediaman rasmi Perdana Menteri.

Turut serta dalam majlis makan tengah hari itu ialah Menteri Kewangan Tun Daim Zainuddin, Menteri Tenaga, Komunikasi dan Multimedia Datuk Amar Leo Moggie, Timbalan Menteri Luar Datuk Leo Michael Toyad dan pegawai-pegawai kanan Kementerian Luar.

Mandela pernah datang ke negara ini pada awal 1990-an dan kali terakhir berada di sini pada 1997.

Beliau dijangka melawat beberapa tempat tarikan pelancong di negara ini sebelum berlepas pada Jumaat.

-- BERNAMA

SR AHH PR